



## Kaka Yetu Mkubwa Hutuletea Pumziko

**J**itieni nira yangu, mjifunze kwangu; kwa kuwa mimi ni mpole na mnyenyekevu wa moyo; nanyi mtapata raha nafsini mwenu.—**Mathayo 11:29.**

Yesu aliwatazama wenye dhiki na kulemewa na mioyo, wale ambao matumaini yao yalififia, na ambao kwa furaha ya kidunia walikuwa wakitafuta kuituliza shauku ya nafsi, na akawaalika wote kupata pumziko ndani Yake.

Kwa huruma anawasihi watu wanaotaabika, “Jitieni nira yangu, mjifunze kwangu; kwa kuwa mimi ni mpole na mnyenyekevu wa moyo; nanyi mtapata raha nafsini mwenu” (Mathayo 11:29).

Yesu alikuwa anazungumza na kila mtu katika maneno haya. Iwe wanajua au hawajui, wote wamechoka na kulemewa na mizigo. Wote wamelemewa na mizigo ambayo ni Yesu tu awezaye kuiondoa. Mzigo mzito kuliko yote tunaoubeba ni mzigo wa dhambi. Ikiwa tungeachwa kuubeba mzigo huu, ungetuangamiza. Lakini Yeye Asiye kuwa na dhambi amechukua mahali petu. “Na Bwana ameweka juu yake Maovu yetu sisi sote” (Isaya 53:6).

Amewachukua mzigo wa hatia yetu. Atauchukua mzigo kutoka katika mabega yetu yaliyochoka. Atatupatia pumziko. Mzigo wa miasumbuko na huzuni Ataubea. Anatalika tumtwike fadhaa zetu juu Yake; kwa maana anatuchukua moyoni Mwake.

Kaka mkubwa wa jamii yetu yu karibu na kiti cha enzi cha milele. Anamwagalia kila mtu ambaye anageuza uso wake kumwelekea Yeye kama Mwokozi. Anajua kwa uzoefu ulio udhaifu wa wanadamu, yaliyo mahitaji yetu, na pale majaribu yanapotuzidi uwezo; kwa maana “alijaribiwa sawasawa na sisi katika mambo yote, bila kufanya dhambi” (Waebrania 4:15). Anakuangalia wewe mtoto wa Mungu uliyejawa na hofu. Je! U-majaribuni? Atakuokoa. Je! Umedhoofika? Atakutia nguvu. Je! U mbumbumbu? Atakupatia elimu. Je! Umejeruhiwa? Atakuponya. Bwana Huihesabu idadi ya nyota” na bado “Huwaponya waliopondeka moyo, Na kuziganga jeraha zao” (Zaburi 147:4, 3).

Ukiwa na mashaka yako na majaribu yoyote, eleza suala lako mbele za Bwana. Roho yako itaimarishwa kwa uvumilivu. Njia itafunguliwa kwako ili ujinasue kutoka kwenye aibu na shida. Kadiri unavyojijua kuwa dhaifu na bila msaada zaidi, ndivyo unavyozidi kuwa na nguvu katika nguvu Zake. Kadiri mizigo yako inavyozidi kuwa mizito, ndivyo linavyozidi kuwa baraka zaidi pumziko katika kuitupa juu ya Mbeba Mzigo wako.

Hali zinaweza kutenganisha marafiki; maji yasiyotulia ya bahari pana yanaweza kunguruma kati yetu na wao. Lakini hakuna hali, hakuna umibali, unaoweza kututenganisha na Mwokozi. Po pote tunapokuwa, yuko mkono wetu wa kuume, ili kutusaidia, kutuendeleza, kutushikilia, na kutufurahisha. Upendo ulio mkuu kuliko ule wa mama na mtoto wake ni ule wa Yesu kwa watu Wake waliokombolewa. Ni fursa yetu kupumzika katika upendo Wake, tukisema, “Nitamtumaini Yeye; kwa maana alitoa uhai Wake kwa ajili yangu.” Upendo wa mwanadamu unaweza kubadilika, lakini upendo wa Yesu haujui mabadiliko. Tunapomlilia kwa ajili ya msaada, mkono Wake umenyooshwa ili kutuokoa (The Ministry of Healing, 71, 72).